



IKUGA FONO

FONO FAKAMUA
25 – 29 IULAI 2016
FAKAOFO

FONO FAKAMUA

25 – 29 IULAI 2016

MATAKUPU	PAHINA
1. Takiala a Tokelau mo Atiakega 2016/2020	3
2. Fauhaga mo na fakatupega 2016/2020 & Paketi 2016/2017	4
3. Fehoahoaniga kite totogiga o na Pili Initaneti.....	7
4. Fakamanuiaga o tagata matutua	7
5. Tupe kaitalafu a na fanau e aoga I NiuHila (Student Loans).....	7
6. Inati mo na Nuku mai te tupe o te Hone.....	8
7. Polokalame Fauga Fale	8
8. Tulafono fakatu mo te Komehina a Tagata Faigaluega	8
9. Hikimi Hikolahipi: Levolo o na fakamanuiaga mo na Fanau takitahi...	9
10. Fanau nofo akoga I Fiti:Popolega ma he Fofu.....	9
11. Tofi Galue fou:Ofiha mo fanau nofo akoakoga.....	10
12. Fakatupega mo na Kaiga o kilatou e olo I na Hikolahipi pupuku ki NiuHila.....	10
13. Fakavae mo te Fakalapopotoga a Takaloga.....	
14. Iloiloga o te Tulafono o Femalagakiga 1991 a Tokelau.....	11
15. Hikimi Tauale Hiki.....	11
16. Aho o te Fuka a Tokelau.....	11
17. Hikimi Hupa a Tokelau.....	12
18. Lipoti a te Komiti o Fuaga Fenua.....	12
19. Tiute o na Koloa Meakai (Duty&drawback(VAGST)).....	12
20. Fefaiakiga o na uta a te M.V MATALIKI.....	13
21. Viki o Tokelau.....	13
22. Fenua Tanu ke aofia I na Fenua Lihi.....	13
23. Polihi mo te Puipuiga o Tagata main a afainaga.....	14
24. Lipoti o na Galuega Fakaauau a te Malo.....	14
25. Komehina o te Kaufaigaluega Tautu.....	14

Pepa Fakaopoopo

1. Paketi tupe Maua FY2016/17.....	16
2. Takiala mo te Fakafoega o te Fakatupega mo Atiakega Lalahi.....	17
3. Tulafono a Tokelau mo te Komehina Fakagaluetino.....	21
4. Alauni mo Fanau Hikolahipi.....	25

1. TAKIALA A TOKELAU MO ATIAKEGA 2016 – 2020

Ko te mamalu o te Fono Fakamua, i te kua fakatalanoa te Takiala a Tokelau mo Atiakega 2016 – 2020, na:

- i) Matau te fakamainaga mo te Takiala a Tokelau mo Atiakega 2016 – 2020;
- ii) Fakaopoopo na teuteuga ienei:
 - Ke fakataunuku na akoakoga pulepule lelei mo te Fono Fakamua ma te Malo Fakaauau;
 - 'Ko Tokelau e fakavae i te Atua, e olatia ma fakataua tana aganuku'- ke kavea ma he tahi o fakakupuga mo te Atiakega o Tagata Nuku;
 - Huiga ki te Tau, ke kavea ma he tahi o Hini Kautu;
 - Galuega Lalahi- ke kikila foki ki te fakaleleiga ma te fakakatoatoaga o na ofiha i na nuku e hikitia mai ki ei na tautuaga, kae he na ko te fakaleleiga oioti o te ofiha i Apia;
 - Atiakega Taoga- ke fakalauefa te mafai o Tokelau ke maua ai ana tupe maua ma tona tama-o-kaiga, ma fakataigole ai te fakalagolago ki Niu Hila. Ke fakahako te fakakupuga tenei ke faitau venei, 'ke fakalauefa te mafai o Tokelau ke maua ai ana tupe maua ma tona tama-o-kaiga' (i te malamalamaga, ko he tiute fakatetulafono eo Niu Hila ke tauhi ia Tokelau)
- iii) **Fakatonu** te kaufaigaluega ke fakamautinoa e manino ma matilatila i te Takiala te manakomia ke lagolago malohi na pou tu o te Tulafono Fakavae, Lotu ma te Aganuku;
- iv) **Pahia** te Takiala a Tokelau mo Atiakega 2016 – 2020, fakatahi ai ma na teuteuga e takua i luga;
- v) Fakamanatu ki na Mataeke te tonu a te Fono Fakamua ko na Mataeke e malaga taki tolu mahina ki na Taupulega mae ko he avanoa tenei e fehokotaki ai na Mataeke ma na Nuku ke fakamautinoa e holoholo lelei te fakataunukuga o na galuega;
- vi) **Malilie** ko te taimi fakagata mo na nuku ma na mataeke ke fakakatoatoa ai a latou peleni galue ma o latou tau katoa, ko te fakaikuga o te Hetema 2016.

2. FAUHAGA ONA FAKATUPEGA 2016-2020 & PAKETI 2016/17

I he matauga o te vaega taua o te taki fou e fakavahega kehe ai na fakatupega mo atiakega lalahi mai na fakatupega mo na tautuaga mahani e mafai ai he kikilaga kautu pe he lakahaga taua mo na atiakega lalahi e ve o na fakamatea i te Takiala mo te Atiakega o te Atunuku 2016-2020; ma

I he matauga ko te fauhaga ona fakatupega 2016-2020 ko he fakavae mo he faka-kaigaga o peleniga ma fakatupega i te kua aofia o he ata e atafia ai na tupe fakafano ma na tupe maua, ko te Fono Fakamua na:

- i) **malilie** ke tumau pea te tonu fai a te Fono Fakamua ko te tupe ola a te Teugatupe Fakavaomalo a Tokelau e toe teu lava ki loto o te Teugatupe; ma
- ii) vagana ai te vaega kua takua i te (i) i luga, **malilie** ki te Taki Fou ma te Fauhaga ona Fakatupega 2016-2020.

I he matauga o tana tonu fai i luga ma i he kikilaga ki na fautuaga a te Komiti Tupe mo te Paketi 2016/2017, ko te Fono Fakamua na **malilie**:

- i) ki te aofakiga katoa o te Tupe Maua e \$35.9m e ve o na **fakapipiki** atu i tua
- ii) ki te vaevaega kua tuku atu i lalo mo te Paketi mo na Tautuaga Mahani:

Paketi mo	Fakatupega
ATAFU	\$2,700,000
FAKAOFO	\$2,800,000
NUKUNONU	\$2,600,000
ATIAKEGA O TE TAMAOKAIGA, LIHOHI FAKATENATULA & HIKOHIKOMAGA	\$1,250,000
AKOAKOGA	\$2,630,000
MALOHIAGA	\$500,000
TUPE	\$1,090,000
OLA MALOLO	\$1,800,000
OFIHA O TE MALO FAKAAUUAU	\$2,300,000
TAUTUAGA LAGOLAGO	\$633,000
FEMALAGAKIGA	\$5,038,000
Totogiga tupe a te Malo:	
- Fakalapopotoga a te Itulagi	\$150,000
- Lihi o te Ofiha i Apia	\$150,000
- Contingency / Fakaleoleo	\$400,000
- Tau o na Hukegatuhi	\$140,000
- Fakaleleiga & Tauhiga o na Aheta a te Atunuku	\$1,000,000
AOFAKI	\$25,181,000

- iii) ki na levolo ienei mo te Paketi mo na Atiakega Lalahi:
 - a. ATAFU \$1,400,000
 - b. FAKAOFO \$1,400,000
 - c. NUKUNONU \$1,400,000
 - d. ATUNUKU / MALO \$10,000,000
- iv) ko te taunikilaga ma te pulepulega o te fakatinoga o na Atiakega Lalahi a te Atunuku fakatahi ai ma te fakatupega kua fakavahega kiei e gafa ma te Malo Fakaauau kae fai ma lipoti mai;
- v) ki na takiala mo te fakafuoga ma te kikilaga o te Fakatupega mo na Atiakega Lalahi e ve o na **fakapipiki** atu
- vi) ke tuku atu ki te Mataeke o te Tupe e na Tautuaga uma na fakamatalaga mo te fakavahegaga o a latou paketi ka ko heki pa atu ki te aho **25 Aukuho** mo te taunikilaga o te paketi ma te tukufakatahiga o na lipoti;
- vii) ke fakaholofua te tulaga o na fakafanoga tupe ova o te 2015/2016, e tuha ai ko te lipoti fakaataata o te tala o te tupe ki te aho 30 Iuni 2016 e ve o na tuku atu i lalo ma, e he kohe tulaga tenei e fakaauau ai mo na tupe ova.

Mataeke / Nuku	Aofaki
EDNRE	\$23,424
AKOAKOGA	\$355,849
MALOHUAGA	\$99,411
TUPE	\$142,856
OCOG	\$212,122
TAUTUAGA LAGOLAGO	\$53,695
FEMALAGAKIGA	\$463,083
ATAFU	\$124,843
FAKAOFO	\$65,410
Aofaki	\$1,540,693

- viii) ko na vaega tupe totoe mai te 2015/2016, e tuha ai ko te lipoti fakaataata o te tala o te tupe ki te aho 30 Luni 2016 e ve ona tuku atu i lalo ke tuku kehe mo he fakaogaga a te tautuaga e puna mai ai te tupe totoe:

Mataeke / Nuku	Aofaki
OLA MALOLO	\$25,866
NUKUNONU	\$79,631
Aofaki	\$105,497

- ix) ke fakaaauu pea te tulaga ona paleni taukave ona poloketi ienei e tuha ai ko te lipoti fakaataata o te tala o te tupe ki te aho 30 Luni 2016:

Polokalame	Tautuaga e gafa ma ia	Paleni
Education Incentivization Fund	Education	\$1,500,000
Minister of Education Office Atafu	Education	\$12,170
Energy Improvement Project	Energy	\$125,186
Patient Referral Scheme	Health	\$160,616
Census 2016	OCOG	\$80,000
Financial Assistance – Villages	Finance	\$14,286
Administration Building	Atafu	\$830,856
Fatupaepae Centre	Atafu	\$60,000
Seawall	Atafu	\$43,125
Incinerator	Atafu	\$25,000
Fenuafala Hospital	Fakafo	\$79,964
Fatupaepae Centre	Fakafo	\$1,322
Seawall	Fakafo	\$82,509
Matiti School Building	Nukunonu	\$804,224
Fatupaepae Centre	Nukunonu	\$60,000
Seawall	Nukunonu	\$80,593
2015/2016 Underspending	Health	\$25,866
2015/2016 Underspending	Nukunonu	\$79,631
Aofaki		\$4,065,349

Ma, i he matauga ko te Teugatupe Fakavaomalo a Tokelau e mafai ai he teuga tupe mo he taimi mataloa kae e iei foki he auala e kikila ai na manakoga mahani takitauhaga kui i na tuhi tupe fakagalua, koi manakomia pea he kikilaga mo he teuga tupe ke tagolima kiei i he taimi vave, ko te Fono Fakamua na:

- i) **malilie** ke iei he teuga tupe fakapitoa e takua ko te *Tokelau Buffer* (Te Muli-Tuluma) ke fakaputu kiei he tupe maua ke tauhi tumau ai te paketi ma e fakaleoleo ke fakatupe ai ni vaega taua o te paketi i te lumanaki pe kafai kua

hioti te tupe maua fuafua kae maihe kafai kua he lava na fakatupega mo na Atiakega Lalahi.

I hana fakaopoopoga, ko te Fono Fakamua na **malilie** ke:

- i) fakaaauau pea na hatalaga a te Malo Fakaaauau ke fakatalanoa na paaga mo atiakega vena foki ma te Malo o Niuhila mo he fehoahoaniga; ma
- ii) fakailoa aloakia ki te Malo o Niuhila i he tuhi a te Ulu o Tokelau, ko ho he fehoahoaniga mo na atiakega a Tokelau e kui atu i te Malo Fakaaauau ma fakamalie ki Niuhila, ko ana tautali mai ki Tokelau ke kui ma fakaaloakia mai i te Malo Fakaaauau

3. FEHOAHOANIGA KI TE TOTOGIGA O NA PILI INITANETI

Ko te mamalu o te Fono Fakamua na:

- i. **Matau** te fakafitauli o te maualuga o na tau o te initaneti kua iei nei fuafua ki na tau nae iei i te fakaaoga o te sonic wall;
- ii. **Matau** foki te fakavae o te kamupani e tu tautahi ma e he fakalagolago ki te malo mo te fakatupega o ana tautuaga;
- iii. **Talia** ke tuku atu te matakupu ki te Komiti Fakatonutonu o te TeleTok ke tuku mai he fautuaga agai ki te matakupu ki te Fono Fakamua ka hohoko, ma;
- iv. **Malilie** kafai e vehea he tonu a te Fono Fakamua, oi kua kikila ai ki te lloiloga o te Tupe mo he fakatupega.

4. FAKAMANUIAGA O TAGATA MATUTUA

Ko te mamalu o te Fono Fakamua na:

- i. **Matau** te agaga o te pepa;
- ii. **Talia** ke fakamahiki te penihione a tagata matutua ki te \$350.00 i te lua vaiaho;
- iii. **Matau** ko te taimi nei ko te penihione e maua e te tino kua 60 tauhaga te matua, kae ko te tauhaga litaea e ve ona takua i te Takiala o Tagata Faigaluega ko te 65;
- iv. **Malilie** ke fakaaauau te totogi o te penihione a tagata matutua i te 60 tauhaga te matua;
- v. **Matau** e manakomia ke iei he kikilaga mo ki latou e iei ni manakoga fakapitoa ona ni he malohi o te tino;
- vi. **Matau** e manakomia ke iei he polihi e taki ai te fakataunukuga o na penefiti uma ke olo tutuha ai na motu e tolu;
- vii. **Malilie** ke tuku atu ki te Mataeke o te Tupe ke tuku mai ki te Fono Fakamua ka hohoko, he fautuaga ki te levolo mo te penefiti mo tagata he katoatoa te malohi,

vena ma he polihi ke taki ai te fakataunukuga o na penefiti uma ke olo tutuha ai na motu e tolu;

- viii. **Malilie**, kafai e vehea he tonu a te Fono Fakamua, oi kua kikila ai ki he fakatupega i te Iloiloga o te Tupe kae kamata mai te totogiga o na penefiti ienei i te aho 1 Iulai 2016.

5. TUPE KAITALAFU A NA FANAU TOKELAU E AOGA I NIUHILA (Student Loans)

Ko te mamalu o te Fono Fakamua na:

- i. **Matau** te pepa ma te manakomia ke tuku atu he fehoahoaniga ki a teki latou e afia i te matakupu kae maihe ia ki latou kua foki mai ma e tautua ki Tokelau;
- ii. **Fautua** kite Mataeke o Akoakoga ke kikila ki he auala e mafai ai ke iei he fehoahoaniga mai te Malo a Niuhihila kina Tupe kaitalafu a na fanau Tokelau e aoga i Niuhihila i he fakatupega a te kaiga lava ia kae maihe na fanau kua foki mai ma e tautua ki Tokelau
- iii. **Matau** foki na popolega mo te agai ki mua ma te manakomia ke fau he polihi manino ke fakatonu ai te matakupu tenei i te agai ki te lumanaki;
- iv. **Matau** e iei na galuega a te kaufaigaluega na fakatino i te tauhaga kua teka mo te tau hakiliga o he fofo ki te fakafitauli;
- v. **Malilie** ke tuku atu ki te Mataeke o Akoakoga ke tuku mai he fautuaga ki te Fono Fakamua ka hohoko, ma;
- vi. Kikila ki te Iloiloga o te Tupe mo he fakatupega kafai e vehea he tonu a te Fono Fakamua.

6. INATI MO NA NUKU MAI TE TUPE O TE HONE

Ko te mamalu o te Fono Fakamua na:

- i. **Matau** te pepa;
- ii. **Talia** ke iei he inati o na nuku mai te tupe o te hone;
- iii. **Malilie** ke tuku atu ki te Iloiloga o te Tupe;
- iv. **Malilie** ko te levolo o te fakatupega ma tona fakahoahoaga ki na nuku, e fakatonu i te Fono Fakamua ka hohoko.

7. POLOKALAME FAUGA FALE

Ko te mamalu o te Fono Fakamua na:

- i. **Matau** te agaga o te pepa;
- ii. **Malilie** ke hiki te tau o te fauga fale i he 75%, mae ko na levolo fou ienei:

- Fauga Vai	\$19,250
- Fauga Tukutua	\$12,250
- Fauga Fale	\$24,500
AOFAKI	\$56,000

- iii. **Malilie** ke lloilo na tau ienei taki 5 tauhaga;
- iv. **Malilie** ke fakamalohia te fakaaoga o te Tulafono Fauga Fale 2008.
- v. **Malilie kamata te hikitaga fou tenei ite aho 1 Iulai 2016**

8. TULAFONO FAKATU MO TE KOMEHINA O TAGATA FAIGALUEGA

Ko te mamalu o te Fono Fakamua na

- i. **matau** ma fakatalanoa te vaega nae kehekehe ai na fakauigaga agai ki te mafai o te Komehina- pe tofi e ia na tino faigaluega, pe fautuagia e ia te Fono a te Malo Fakaauau mo he tofiaga o he tino faigaluega;
- ii. i te malamalamaga, e fakatino e te Komehina te auala e filifili ai ia tagata faigaluega, fai tana filifiliga, ma tuku atu ki te Malo Fakaauau ke aloakia, mae e he huia e te Malo Fakaauau te filifiliga a te Komehina; **pahia** na Tulafono a Tokelau mo te Komehina Fakagaluetino o te Kaufaigaluega Tautua 2016 i he teuteuga o te (I) ke faitau venei-

“Fautuagia, fakamahiki te tulaga tofi galue, fakamautinoa, fakahala ma fakamalolo he tino faigaluega ma fofo ni vevehiga tau galuega”;

- iii. **malilie**, ko te (I) e apalai oioti ki tagata faigaluega mo te atunuku;
- iv. **malilie**, ko te (I) e he apalai ki na nuku, ma;
- v. Tuku atu ki na Taupulega mo he lagona ki te tuakoi o te Komehina ma na Taupulega, ma kua fakailoa mai ai ki te Fono Fakamua ka hohoko.

9. HIKIMI HIKOLAHIPI: NI FAKAMATALAGA KI TE LEVELO O NA FAKAMANUIAGA MO FANAU TAKITAHU

Ko te mamalu o te Fono Fakamua na:

- i. **Matau** te kautu o te pepa
- ii. **Fakahako** te levolo mo he fanau akoga, hoa ma ni pepe e 3 pe ova atu, i Fiti e \$33,220 kae he \$38,040;
- iii. **Matau** na levolo o na fakamanuiaga mo fanau takitahi fakatahi ai ma te levolo kua fakahako i luga.

E fakapipiki atu I te pepa fakaopoopo 4 na levolo o na fakamanuiaga]

10. FANAU NOFO AKOAKOGA I FITI: POPOLEGA MA HE FOFO

Ko te mamalu o te Fono Fakamua na:

- i. **Matau** te agaga o te pepa;
- ii. **Talia** ke iei he Ofiha mo na Hikolahipi a Tokelau e fakamautu i Fiti mo na fanau uma a Tokelau e aoga i Fiti;
- iii. **Matau** te fakailoaga a te Ulu o Tokelau ki te Fono, kua iei te maliega o te USP i Fiti ke iei he tino faigaluega e fakamautu i te USP ke kikilagia na fanau a Tokelau;
- iv. **Malilie**, ko te tiute kautu o te Ofiha tenei ke gafa ma ia te kikilaga o na fanau uma a Tokelau e aoga i Fiti mae e aofia ai te falitega o na vaega uma e manakomia e he tamaiti mo te kamataga ma te fakaaauauga o tona olaga akoako i fafo i Fiti ma ie tahi fenua
- v. **Malilie**, ko ia ko te pou muamua e tau ki ei he tamaiti e fia maua he fehoahoani i Fiti;
- vi. **Malilie**, ko ia ko te hokotaga o Tokelau, te Mataeke, ma na Taupulega (kafai ni fanau e fakaaoga e na Taupulega), ma na akoga e aoga ai na fanau i Fiti;
- vii. **Malilie**, ke aofia i na fehoahoaniga a te Ofiha mo na Hikolahipi a Tokelau i Fiti, na fanau e totogi e na Taupulega pe ko he tahi lala fehoahoani;
- viii. **Malilie**, ke fakapopo te tofiga galue tenei ki te Mataeke o Akoakoga
- ix. **Malilie**, ke tofia ko te tino faigaluega tenei i he taimi vave ma ke mafai ke kamata tenei galuega i he taimi vave;
- x. **Malilie**, ko na tuhimalaga e fai e te kaiga i te tauhaga muamua o te tamaiti i te USP i Tokelau, kae e fakafou e te Mataeke i loto o te piliota o tona nofo akoga i Fiti

11. TOFI GALUE FOU: OFIHA MO FANAU NOFO AKOAKOGA

Ko te mamalu o te Fono, i te kua fakatalanoa ma pahia na vaega kehekehe o te matakupu i mua (Fanau nofo akoga i Fiti: Popolega ma he Fofu), na fai ai na tonu fakapopo ienei ke atili makeke ai te tautali ki na fakafitauli o fanau e aoga i Fiti:

- i. **Matau** te agaga o te pepa;
- ii. **Fakatonu** te Mataeke o Akoakoga, ke fakataunuku te tonu tenei i he taimi vave; ma fakamautinoa ke kikila lelei ietahi fenua kehe mai ai ma Fiti
- iii. **Lapatakia** te kaufaigaluega a te Mataeke e hokotaga ma na fanau hikolahipi, ke kikila lelei ma tautali vave ki na fakafitauli o na fanau e aoga i fafo.

12. FAKATUPEGA MO NA KAIGA O KI LATOU E OLO I NA HIKOLAHUPI PUPUKU KI NIUHILA

Ko te mamalu o te Fono Fakamua na:

- i. **matau** te agaga o te pepa;
- ii. **talía** te pepa;
- iii. **malilie** ke fakatalanoa e te Ulu o Tokelau ki Niu Hila i lalo o tana polokalame koleniga tenei ke mafai ai ia kaiga ke oatu fakatahi ki fafo
- iv. **malilie** ke taumafai te hihitemi penefiti a Niu Hila ke maua ai he fehoahoaniga fakaopoopo mo na kaiga;
- v. **malilie**, kafari e he talia e Niu Hila, ke kikila te Fono Fakamua mo he fakatupega i te Iloiloga o te Tupe.

13. FAKAVAE MO TE FAKALAPOTOPOTOGA O TAKALOGA

Ko te mamalu o te Fono Fakamua na:

- i. **matau** te agaga o te pepa;
- ii. **malilie** ke tamilo te Ofiha Hokotaga mo na Fakalapotopotoga ke fakatalanoa na Taupulega mo ni lagona ma toe lipoti mai ki te Fono Fakamua ka hohoko.

14. ILOILOGA O TE TULAFONO FEMALAGAKIGA 1991 A TOKELAU

Ko te mamalu o te Fono Fakamua na:

- i. **matau** na pepa mai Nukunonu ma Atafu e fakatu mai ai ke Iloilo na Tulafono Femalagaakiga 1991 a Tokelau
- ii. **matau** ko he tahi o mafuaga o na fakafitauli ko te he tauhitonu ki na tulafono;
- iii. **talía** ke fakatino te Iloiloga o te Tulafono Femalagaakiga 1991 a Tokelau;
- iv. **malilie** ke tuku atu ki te Ofiha o te Fono a te Malo Fakaauau ma te Mataeke o Tautuaga Lagolago ke fakatino te Iloiloga, ma teo Lipoti mai kit e Fono Fakamua ka hohoko.

15. HIKIMI TAUALE HIKI

Ko te mamalu o te Fono Fakamua na:

- i. **matau** te agaga o te pepa;
- ii. **matau** te fakamaninoga mai te Fakatonu o te Mataeke o te Ola Malolo:
 - ko te Polihi o te Hikimi Taule Hiki na Iloilo mulimuli i te 2009;
 - ko te Iloiloga i te 2014 e he ki maea lelei mae ko he ki aloakia;

- e fokotahi te Hikimi Tauale Hiki, e heai he tahi Hikimi Tauale Hiki mo te Malo Fakaauau e ve ona takua;
 - ni ietahi fehoahoaniga tau ola malolo mo na takitaki o Tokelau, e gafa i te taimi nei ma te Ofiha o te Malo Fakaauau.
- iii. **Malilie** mo te Minihita ma te kaufaigaluega a te Ola Malolo ke tamilo ma fakatalanoa na Nuku mo ni fakaleleiga ki te Hikimi Tauale Hiki ma tuku mai ki te Fono Fakamua ka hohoko;
 - iv. **Malilie** mo te Ofiha o te Malo Fakaauau ke tuku mai na taki ki na fehoahoaniga tau ola malolo e tuku atu ki te Malo Fakaauau, fakatahi ai ma he fautuaga mo te agai ki mua, ma ke tuku mai ki te Fono Fakamua ka hohoko.

AHO O TE FUKA A TOKELAU

Ko te mamalu o te Fono Fakamua na:

- i. **Matau** te agaga o te pepa;
- ii. **Malilie** ke kavea te aho 22 Oketopa ma aho malolo o te fuka o Tokelau;
- iii. **Matau** ko te aho tenei kua fakaopopo ki na aho e 6 o te atunuku e iei nei, ko tona uiga kua 7 ai ia aho malolo o te atunuku, ma na aho e 6 o te nuku, kua 13 fakatahi ai ki ei ia aho malolo o te nuku.

17. HIKIMI HUPA A TOKELAU

Ko te mamalu o te Fono Fakamua na:

- i. **Matau** te agaga o te pepa;
- ii. **Malilie** ke fakatu he Komiti mo te Hikimi Hupa a Tokelau;
- iii. **Malilie** ko ki latou i loto o te Komiti Hikimi Hupa ko te Fakatonu o te Tupe, na Pule Fakahoa o na Nuku ma Faufautua o Tagata Faigaluega o te Atunuku,
- iv. **Malilie** ko te Faufautua o Tagata Faigaluega i loto o te Komiti mo te taimi nei kae hui kiei te Komehina o te Kaufaigaluega kafai e kamata i te galuega

18. LIPOTI A TE KOMITI O FUAGA FENUA

Ko te mamalu o te Fono Fakamua na:

- i. **Matau** te lipoti a te Komiti Fuaga Fenua;
- ii. **Malilie** ke tuku atu te lipoti ki na Taupulega ma tuku mai ni fakahakoga ki te Fono Fakamua ka hohoko;
- iii. **Malilie** ke fakaauau na lihi e iei nei i te taimi nei;

- iv. **Malilie** mo ni ietahi tau fakaopopo e tulaki mai mo na fenua lihi i na fakahakoga a na Taupulega, e kikila ki ei i te lloiloga o te Tupe.

19 TIUTE O NA CO-OPS STORES (Duty drawback & VAGST)

Ko te mamalu o te Fono Fakamua na:

- i. **Matau** te agaga o te pepa;
- ii. **Matau** na fakamatalaga mai te Fakatonu o te Tupe:
- Ko te VAGST a Hamoa i te taimi nei e 15% mae ko he tau tenei e totogi e te Malo;
 - I te fakaikuga o te tauhaga, e kave ai te fakatagi ki te Ofiha o Lafoga o Hamoa ke toe kaumai ki tua te tau tenei a Tokelau e totogi;
 - Ko te aofaki na totogi e te Malo mo te VAGST, ko te aofaki foki lava ia e toe maua mai;
 - Ko tona uiga, ko te aofaki e toe maua mai, e he faitaua ko he tupe ola mo Tokelau;
 - Ko te tiute o na koloa e kehe mai i te VAGST;
 - Oioti te auala e mafai ke he toe totogia ai e Tokelau te Tiute mo na koloa, e fakatau mai Hamoa ko te fau o te fale e fakatotoka ki ei na koloa (fale teu koloa) e kaumai ki Tokelau. Ko te fale teu koloa (fale teu koloa) tena ko fakamaoniaga ia ko na koloa e he fakaaogagia i Hamoa, kae e kaumai ki Tokelau;
- iii. **Fautuagia** te Malo ke fakavavevave te fauhia o te fale teu koloa tenei o Tokelau i Hamoa, ke kave kehe ai te pahene o te Tiute mai na tau o na koloa e totogi e Tokelau ki Hamoa.

20. FEFAIAKIGA O NA UTA A TE M.V MATALIKI

Ko te mamalu o te Fono Fakamua na:

- i. **Matau** te agaga o te pepa;
- ii. **Matau** na iei ni huiga ki te ata o te MV Mataliki na fakamuamua ai te haogalemu ma te toka malie o tagata femalagaaki;
- iii. **Matau** e aofia i na kikilaga mo te fakaleleiga ma te fakakatoatoaga o auala o femalagaaki ke iei he vaka laku uta mo Tokelau;
- iv. **Matau** e avanoa pea na vaka laku uta o te kamupani vaka o Hamoa;
- v. **Matau** ko te lapihi ko he vaega eo te peleni galue a te Mataeke o te Tama-o-Kaiga, Koa o te Natula ma te Hikomaga, ke fauhia ni puha ukamea mo te fakateka kehe atu o te lapihi ki fafo;
- vi. **Matau** ko na tau i Hamoa mo te lapihi (ftg fakaahu,mtm) e gafa lava ma na nuku.

21. VIKI O TOKELAU

Ko te mamalu o te Fono Fakamua na:

- i. **Matau** te agaga o te pepa;
- ii. **Talia** ke aloakia na huiga ki te Viki o Tokelau;
- iii. **Malilie** ke valakaulia te fanau na pulotu e ia te Viki o Tokelau ke toe fakanofu tonu na nota o te Viki ke aofia na huiga; ma ke toe uhu fakalelei te Viki ma puke kawai e maea te galuega a te pulotu.

22. FENUA TANU KE AOFIA I NA FENUA LIHI

Ko te mamalu o te Fono Fakamua na:

- i. **Matau** te agaga o te matakupu;
- ii. **Matau** te manakomia ke iei he polokalame kehe a te malo ke amanakia ai te tauhiga, puipuiga ma te fakaleleiga o na fenua kua momoe ai na tupuna;
- iii. **Malilie** ke aofia na fenua tanu I na polokalame taligalu a na nuku;
- iv. **Malilie** ke aofia na fenua tanu I loto ona fenua lihi.

23. POLIHI MO TE PUIPUIGA O TAGATA MAI NA AFAINAGA O TE ULAULA

Ko te mamalu o te Fono Fakamua na:

- i. **Matau** te polihi fakatu;
- ii. **Matau** e iei na vaega o te polihi e manakomia ai he fakamainaga a na Taupulega;
- iii. **Malilie** ke aofia te Polihi Fakatu I te malaga a te Minihita ma te Mataeake ki na nuku mo te Iloiloga o te Hikimi Tauale Hiki.

24. LIPOTI O NA GALUEGA FAKAAUUAU A TE MALO

Na matau e te Fono Fakamua te Lipoti o na galuega fakaaauau a te Malo ma I ni fakafehili e tuha ai ko te tautuaga a te Teletok ko te Fono Fakamua na:

- i. **Fakatonu** te komiti fakaonutonu a te Teletok ke fakamautinoa e tuku atu kin a Taupulega he Lipoti agai kite .tk ma te tuhi ate huketuhi e tuha ai ma na hukega tuhi ate kamupani ma tuku mai ai kite Fono Fakamua ka hohoko
- ii. Na **fakatonu** malohi ke fakamautinoa ko te lipoti o na galuega fakaaauau a te Malo Fakaaauu e tauhihi kite tulafaono a te Fono Fakamua kit e 10 aho kae ke maua aia he avanoa mo na Taupulega ke kikila totoka kit e Lipoti ka ko he ki nofoia te Fono Fakamua.

- iii. **Matau** te fakafetai fakapitoa a he hui o te Fatupaepae ki te Malo Fakaauau mo ana hatalaga na maua ai ni avanoa mo ni hui o na Fatupaepae ke kau fakatahi atu ki he fonotaga a na Minihita pe ko na takitaki matua o te Pahefika e ve ona nofoia I Hamoa ia Apelila 2016.

25. KOMEHINA O TE KAUFALGALUEGA

I te kua maua e te Fono Fkamua te Lipoti o te Komiti ma te filifiliga o he tino galue, ko te Fono fakamua na malilie ke:

- i. Tofia ia Casimilo Perez kite tofi galue Komehina o te Kaufalgaluega a Tokelau
- ii. Kafai pe hea lava he mafuaga e he talia e ia te tofiaga, ke tofia ia Aleki Silao ma
- iii. Kafai pe hea lava he mafuaga, e he talia e ia te tofiaga, ke tofia ia Kele Lui
- iv. Matau ke teuteu te vaega tenei.

I he matauga ko te maliliega I luga e katoa ai kiei he fauhaga e tofia ai he hui ki te galuega, ko te Fono Fakamua na:

- i. **Malilie** ke tuku atu kit e Malo Fakaauau ki te fakatotokaga o na fetukunakiga e tuha ai ma te hui tofia e te Fono Fakamua;
- ii. **Matau** kafai I te fakahavaliga o te galuega kua tuku atu e te Malo Fakaauau e he nofoia lava he hui tofia I te galuega, e toe kaumi te matakupu kit e mamalu o te Fono Fakamua
- iii. **Matau** ko na aiaiga o te tofi galue tenei fakatakitakiga tauhaga litaea mtm e tauhihi lava ki te Takiala mo te te Kaufalgaluega.

Fakamaonia e



Samu Pili
Takitaki Fono
29-07 2016

PEPA FAKAPOPOO 1: PAKETI TUPE MAUA FY2016/17

	2016/2017 Paketi
Huiga pahene taki tauhaga	-11.7%
Lafoga Fakatetulafono	2.500
Fehoahoaniga: Tupe Tauhi	12.000
Hone Fagota	17.245
Teugatupe Fakavaomalo	2.938
Tupe Tului mai na Teuga Tupe	0.250
Tupe maua mai na Tautuaga	0.950
Ietahi Tiupe Maua	0.001
Aofaki	35.883

PEPA FAKAOPOPO 2: TAKIALA MO TE FAKAFOEGA MA TE KIKILAGA O TE FAKATUPEGA MO NA ATIAKEGA LALAH

Ke malilie te Komiti a te Tupe ma te Fono Fakamua ke fakatanuku te fakatu fou mo te Paketi a Tokelau. I loto i kina ke iei he vaega kua tofia fakapitoa pe ko te Malo Fakaauau foki, ke fakafoe ma kikilagia te vaega tupe kua takua, ko te Fakatupega mo na Atiakega Lalahi a te Malo. E fakaauau pea na titue mahani o na Taupulega ke kikila foki e kilatou na Atiakega Lalahi a na Motu.

- 2 I he malilie ma te Fono Fakamua, e fakatu ai na manakoga atiake lalahi kua fakataua mo te fakatupega tenei i te vai-tauhaga 2016-2020. E tatau ke matea he hokotaga o na manakoga ienei ma te TNSP 2016-2020.
- 3 Ke fakatonu te mataeke o te tupe ma te OCOG ke fatu he peleni mo na atiakega lalahi a te Malo o Tokelau mo te vai-tauhaga 2016-2020 (NCDP1620). Ei loto o te ata tenei ni matematega mo na tau e ono fetau ma na vaega takitahi o te peleni. E tatau ke galulue fakatahi ma na mataeke kehekehe i lalo o te kikilaga a te Malo Fakaauau. Ke matau e koulua ni poloketi atiake lalahi e ahia pea ina talatalanoaga ate Malo Fakaauau ma te kaufaigaluega (Pepa Fakaopopo 1)
- 4 E vena he fakatonuga mate Fono Fakamua ki te mataeke o te tupe ma te OCOG, ke galule fakatahi foki ma na nuku ke fatu na ata ienei mo na nuku (AACDP1620, NNCDP1620 & FFCDP1620) e ve ko tea ta mot e malo.
- 5 E tatau ke pahia na ata fakatu (CDP1620) uma mo te fakatupega tenei mo na atiakega lalahi e te Fono Fakamua i te agaaga ni peleni galulue e fakaauau. E ono hui i te maunitoga o te tupe e avanoa, e vena foki he toe kikila kite fakaauauga o te galuega.
- 6 E tapena e na nuku takitahi mo te Fono Fakamua ni lipoti i na kuata takitahi. E tatau ke i loto ote lipoti e he na ko te tala agai kit e tulaga ma te fakafanoga o te galuega kae vena foki he fakamatalaga mot e vaega tupe kua fakafano ma ni matematega mon a tau koi totoe.
- 7 E tapena e Ofiha o te Malo Fakaauau mo te Fono Fakamua ni lipoti i na kuata takitahi. E tatau ke i loto ote lipoti e he na ko te tala agai kit e tulaga ma te fakafanoga o te galuega kae vena foki he fakamatalaga mot e vaega tupe kua fakafano ma ni matematega mon a tau koi totoe. E fakapa atu foki na lipoti ienei kin a Taupulega.
- 8 I he kikilaga lelei mo te fakataunukuga o na fakamoemoega ienei, e mafai e te Malo Fakaauau pe ko he vaega kua tofia fakapitoa, ke vaega pe he tino ke takitaki ma fakafoe na galuega ienei.

Pepa Fakaopoopo 1

Malo o Tokelau
Poloketi Fakaataata ate Malo o Tokelau
2016 – 2020

	DEVELOPMENT ACTIVITIES	Indicative Costs (est. at 30 June 2016)	2016/2017 FY	2017/2018 FY	2018/2019 FY	2019/2020 FY
1	SNPF Property (Marina Hotel)					
2	Cargo Vessel					
3	New Office/CCA Warehouse					
4	Air Services : Interim (Seaplane)					
5	Air Services : Longterm (Airstrips)					
6	Energy : Solar Grid Development					
7	Telecommunications (Sattelite)					
8	Telecommunications: Submar-cable					
9	Ship to Shore					
10	Central Water Scheme					
11	Waste Management					
12	Contingency and Operations					

1 SNPF Property

* GF directive to explore this property in line with its decision on the GIG property acquisition for the new TALO complex

* good investment opportunity for providing motel accommodation - providing some cost efficiencies around Apia transit costs and potential economic and business opportunities

2 Cargo Vessel

* urgently required to effectively address Tokelau's increasing cargo supply needs safely and on a timely basis from Apia

* reduce shipping recurrent costs in the immediate and long run

* critical to addressing waste management strategies esp the old vehicles etc..

* vital to mobilising heavy machineries and risk construction materials and supplies onto the village sites

3 New Office - APIA

* as approved and endorsed by General Fono (design plans pending)

4 Air Services: Interim (Seaplane)

* initial subsidy and construction costs of docking / landing pads, fuel supply requirements, other general requirements for getting service up and running soonest

5 Air Services: Longterm (Airstrips)

* Construction costs of village airstrips

6 Energy: Solar Grid Development Upgrades

* as per General Fono approvals and implementation timelines

7 Telecommunications: Satellite

* may become our main or back up system alongside current system

8 Telecommunications: Sub-marine cable

* as per the latest Hawaiki proposal

9 Ship to Shore

* currently awaiting confirmation of NZ's funding commitment on this project

10 Village Centralised Water Systems

* yet to be consulted with villages on the need for a centralised processing plant for purified and de-salinated water including a reticulation system

11 Waste Management

* a longterm strategic approach to waste management / processing plants

12 Contingency Fund

- * a provision / percentage reserved for project management assistance to GM / Council
- * also to accommodate various small development initiatives / applications to Council from Departments

PEPA FAKAOPOPO 3

Tulafono a Tokelau mo te Komehina Fakagaluetino o te Kaufaigaluega Tautua a 2016

1. Ko na Tulafono ienei a Tokelau mo te Komehina Fakagaluetino o te Kaufaigaluega Tautua a ienei 2016

2. I na Tulafono ienei –

“Komehina” ko tona uiga ko te Komehina Fakagaluetino o te Kaufaigaluega Tautua a teia kua tofia i lalo ona Tulafono ienei;

“Kaufaigaluega Tautua” ko tona uiga ko te galue ina tautuaga i he Nuku o Tokelau pe i te Kaufaigaluega Tautua a te Atunuku.

3. (1) Ko te Komehina e tofia e te Fono Fakamua.

(2) Ko te tofiaga e o mo he piliota e he ova atu ite 3 tauhaga ma, fakatatau kite palakalafa 3, e mafai ke toe fakafou.

(3) Ko te Komehina ko he tino kua-

(i) Fakamaonia tona olaga hako ma fakamaoni ma e he fakaitukau ma

(ii) Ite tulaga kua iei ai te iloa agai ki Tokelau ma kua fakamatea mai te agavaka ma ko tona poto mahani e kitea ai ko te tamaloa pe he fafine e ia mafaia oi fakatino ona tiute ko te Komehina.

4. Ko te totogi o te Komehina Fakagaluetino o te Kaufaigaluega Tautua a a Tokelau e fai e te Fono Fakamua.

Ko na tulaga ma na tiute o te Komihia o te Kaufaigaluega Tautua ke:

(a) Tuku fakatahi ni hihitemi, taki ma ni fekuiakiga ma fakatino mo te fakaaauanga o te atiakega ona fakatinoga ma te pulepulega ona fakatinoga a te Kaufaigaluega Tautua;

(b) Fehoahoani i na vaega e talafeagai ki na Fakatonu ma na Pule Fakahoa ite malo ma na nuku ite iloiloga ona fakatinoga a tagata faigaluega e fakagalue e na mataeke ma na nuku;

- (c) Fakatino, ma fakatalanoa ma na mataeke ma na nuku talafeagai, he iloiloga faka-te-tauhaga ona fakatinoga a na Fakatonu ma na Pule Fakahoa;
- (d) Fehoahoani i na vaega talafeagai ki na Fakatonu ma na Pule Fakahoa ite malo na nuku ite fakatinoga o latou tiute e kaiga ki te pulepulega o a latou mataeke ma na nuku;
- (e) Fakatalanoa ma te Minihita o te Kaufaigaluega Tautua ini faiga faifai pea e uiga ki na fakatinoga a te Kaufaigaluega Tautua;
- (f) Kavea ko te faufautua ki te Malo ite pulepulega o te Kaufaigaluega Tautua;
- (g) Fautua te Minihita o te Kaufaigaluega Tautua ite, ma onono te fakatinoga ona polihi a te kaufaigaluega tautua;
- (h) Iloilo, onono ma fakalauiloa te Tuhi Takiala a Tagata Faigaluega mo he pahiaga a te Fono Fakamua, ma onono ma fakalauiloa te Takiala ke fakamautinoa e mauhali te mulimuli ki ei o na Mataeke ma na nuku uma;
- (i) Fakatalanoa ma fautua na Fakatonu ma na Pule Fakahoa a te malo ma na nuku agai ki te tapenaga ma te apalaiga ona fakatinoga ma na fekuiakiga talafeagai tau tagata faigaluega i loto o a latou mataeke ma na nuku;
- (j) Fakatalanoa ma na Fakatonu ma na Pule Fakahoa ona mataeke ma na nuku agai ki te apalaiga ona polihi ma tulafono fakagaluetino i loto o a latou mataeke ma na nuku;
- (k) Fakamautinoa ko na Fakatonu ma na Pule Fakahoa ite malo ma na nuku e tauhahia te Taki mo Amio Talafeagai a te Kaufaigaluega Tautua;
- (l) Fautuagia, hiki ki luga, fakamautinoa, fakahala ma fakamalolo he tino faigaluega ma fofoni vevehiga tau galuega
- (m) Fai he fakaikuga ki na tulagatofi ma ietahi tukutukuga ma na aiaiga, e aofia ai na totogi mo te fakafaigaluega o ni tagata faigaluega e tuha ai ma te pahiaga a te Fono Fakamua;
- (n) Hiki ki luga, lagolago ma fakamautinoa te tauhahia ki te taki o te filifilia ote tino pito agavaka ma, ma te hikihiki ki luga ma te hikitia ohe, tino faigaluega e tuha ai ma tulafono a te Kaufaigaluega Tautua;
- (o) Fai he fakaikuga ki na fakatinoga ma na fekuiakiga e kaiga ki te filifiliga ma te tofiaga o ni tino ma tagata faigaluega, te hiki ki luga oni tulaga oni tagata faigaluega ma te fakafaigaluegaga, hikitia, fakafaigaluega ihe tahi ofiha, hikitia ki he tahi atunuku,

fakahala ma fakamalolo he tino galue mai te galuega ma ho he tahi matakupu e kaiga ki te pulepulega o tagata faigaluega;

- (p) Fakafoe ma fakatino ni koleniga, akoakoga ma na polokalame atiake agai ki te Kaufaigaluega Tautua fakatahi ma na Fakatonu ma na Pule Fakahoa ite malo ma na nuku;
- (q) Fakatalanoa ka talafeagai ma na Fakatonu ma na Pule Fakahoa ite malo ma na nuku ite tuku fakatahiga o ni taki ma ni polokalame talafeagai agai ki te ola malolo ma te puihuiga ite galuega;
- (r) Fakatino pe ni vaega tutupu ke fakatino ni iloiloga pe hukehukega ki, ma iloilo na, fakatinoga pulepule a na mataeke ma na nuku ma kafai e fakatonu e te Fono Fakamua;
- (s) Pulepule ma fakaheai ni vevehiga ma ni tagi ite va o tagata faigaluega ma na fakagaluetino;
- (t) Fakatalanoa faifaipea na fakalapotopotoga talafeagai agai ki na matakupu e patino ki tagata faigaluega; ma
- (u) Ietahi tiute e fakatulaga mai pe i lalo o te vaega tenei pe ko he tahi Tulafono, pe fakatonu mai e te Minihita o te Kaufaigaluega Tautua pe ko te Fono Fakamua.

Galuega Taua ke Fakatino mo te Komihia o te Kaufaigaluega Tautua a Tokelau

- (a) Lipoti ki te Fono Fakamua kui ite Minihita o te Kaufaigaluega Tautua ki mua o te aho 1 Apelila o tauhaga uma ite tulaga o te aofaki o tagata faigaluega ma na galuega fakatino a te Kaufaigaluega Tautua;
- (b) Fakatino te iloiloga ona fakatinoga a na Fakatonu ma na Pule Fakahoa a na mataeke ma na nuku ite fakaikuga o Mati i tauhaga uma;
- (c) Tuku fakatahi ni hihitemi, polihi ma na fekuiakiga mo te tulaga lelei ma te agavaka o te pulepulega o te Kaufaigaluega Tautua a Tokelau;
- (d) Iloilo ma fakatino i he taimi vave he hihitemi pulepule mo te iloiloga ona fakatinoga mo te Kaufaigaluega Tautua a Tokelau;
- (e) Fakafoe ma fehoahoani na mataeke ma na nuku ke fakatino ni iloiloga taki tauhaga ona fakatinoga mo tagata faigaluega ia Mati i tauhaga uma;
- (f) Talia na tofiaga uma i te malo ma na nuku;
- (g) Iloilo te Takiala a te Kaufaigaluega Tautua a Tokelau e tuha ai ma te Tulafono mo te Kaufaigaluega Tautua a Tokelau ma te Tulafono Fakavae;

- (h) Iloilo te Ata o te Fauhaga o te Kaufaigaluega Tautua a Tokelau ma fakatalanoa ma na Taupulega, ma fakatu he fauhaga e hili atu te manino ma lelei ke pahia e te Fono Fakamua;
 - (i) Atiake te Peleni Atiake o te Mafai o te Kaufaigaluega Tautua a Tokelau ma fakamautinoa e fakafetaui ki na manakoga ona nuku ma na mataeke uma;
 - (j) Galulue fakatahi ma na Fakatonu ma na Pule Fakahoa ote malo ma na nuku ite fakataunukuga ote tonu a te Fono Fakamua ke hikitia ia tagata faigaluega talafeagai mai Apia ki Tokelau; ma
 - (k) Fakatino ietahi galuega e fakatonu e te Fono Fakamua, ma, pe ko te Minihita o te Kaufaigaluega Tautua a Tokelau mai te ia taimi ki teia taimi.
6. Ko te Malo Fakaauau o Tokelau e tuku atu e ia na pepa uma kite Fono Fakamua, te lihi mo ni tino pe fokotahi pe tokatolu ona tino na apali mo te tofi ote Komehina.
 7. Ko te Fono Fakamua e, I tana kikilaga e talafeagai ai, tofia te tino pito hili ona talafeagai.
 8. Fakatatau ki na Tulafono ienei, ko te galue o te Komehina ma hohe tino e galue ke fehoahoani ki te Komehina e pulepulea ina Tulafono a te Kaufaigaluega Tautua 2004.
 9. Ko te Iloiloga o na Tautuaga ate Komehina e fakatino taki tauhaga ite hefululua mahina e te Malo Fakaauau ma vena ona lipoti mai kite Fono Fakamua.
10. (1) E heai he tino e galue ina tautuaga a te Malo o Tokelau pe i na tautuaga ihe Nuku vagana ai na tofia fakatatau kina Tulafono ote Tukufakatahiga ona Nuku 1986 ma na Tulafono ote Kaufaigaluega Tautua a Tokelau 2004.
 - (2) Ite tulaga e ono fakaavanoa ai, ko te palakalafa (1) e he fakafetauia ki na tautuaga ki na galuega mo te Malo o Tokelau pe ko he Nuku ite tulaga e toe totogi atu ai ko ni pili pe ko he tau i oi oti mo he galuega na fakatino, ni tautuaga fakapitoa, pe ni tautuaga ko he Komehina o Tokelau pe ki uhufono ki te Fono Fakamua pe ko te Malo Fakaauau o Tokelau.

PEPA FAKAOPOOPO 4: Fakamanuiaga o na fanau I te Hikimi Hikolahipi a Tokelau

USP/FNU	Alauni ite Tauhaga NZ\$/Tau aofaki o na alauni ma ietahi tau fkt. pahehe, hiakiga ite falemai, na pili akoga mtm.	Alauni i te 2 vaiaho NZ\$	Alauni a te NZAid
Laucala Campus-Suva Fiji/Samabula Campus Fiji			
Fanau akoga	\$11,960/\$18,000	\$570/FJ\$800	FJ\$586
Fanau akoga e fai kaiga(1 te pepe pe ko te hoa ma he pepe)	\$24,500.00/\$36,000	\$942.31/FJ\$1,326	FJ\$1,071
Fanau akoga(hoa ma te 2 ia pepe)	\$26,500.00/\$36,000	\$1,019.00	
Fanau akoga(hoa ma ni e pepe e 3 pe ova atu)	\$33,220	\$1,463	
Emalus Campus-Vanuatu			
Fanau akoga	\$12,500/\$21000	\$595/43,805 vatu	40,628 vatu
Fanau akoga e fai kaiga(1 te pepe pe ko te hoa ma he pepe)	\$29,900	\$1,150/84,875vatu	84,875 vatu
Alafua Campus(Samoa)			
Fanau akoga	\$7,035/\$11,000	\$335/ST603	ST623
Fanau akoga (ma he pepe pe ko te hoa ma he pepe)(\$14,667/\$19,000	\$564/ST1,015	ST1,055
Massey University(NZ) ma ho he lunivehite i NZ			
Fanau akoga	\$17,040	\$810	\$810
Fanau akoga e fai kaiga(1 te pepe pe ko te hoa ma he pepe)	\$28,420	\$1,093	\$1,093
Fanau akoga(hoa ma te 2 ia pepe)	\$33,220	\$1,277	\$1,277
Fanau akoga(hoa ma ni e pepe e 3 pe ova atu)	\$33,220	\$1,463	\$1,463

